

中國古代易學叢書

中國書店出版社

叢書二四五
ISBN 7-80001-141-0
一九八八年三月
全國圖書出版
37

封面題字

季羨林

封面設計

李立祥

技術編輯

周海新

中國古代易學叢書

第五十卷

中國書店 出版

全國新華書店經銷

一九九八年三月 第一版

一九九八年三月第一次印刷

印數一——二〇〇

ISBN 7-80568-449-9/B·70

定價：二四五元

編

輯

王立文

金元申

孫學威

郭子儀

高文柱

傅立勤

鄔良

本卷目次

易林

漢·焦贛撰

一

京氏易傳

漢·京房撰 吳·陸績注

一七一

易音

清·顧炎武撰

二〇二

易韻

清·毛奇齡撰

二二六

周髀算經

舊題 漢·趙君卿注 北周·甄鸞重述

唐·李淳風注釋

二六六

周髀算經音義

唐·李籍撰

三三三

六經天文編

宋·王應麟撰

三四三

目錄解題

四三〇

漢焦贛撰

易林

四卷

子部七

易林

術數類四 占卜之書

提要

臣等謹案易林十六卷漢焦贛撰贛字
顓梁人昭帝時由郎更舉小黃令京房師之
故漢書附見於房傳黃伯思東觀餘論以為
名贛字延壽與史不符又據後漢小黃門熱
君碑稱贛之後裔疑贛為熱姓然史傳無不
作焦漢碑多假借通用如歐陽之作改羊者
不一而足亦未可執為確證至舊本易林首
有賈直之語稱王莽時延信天水焦延壽其
詞蓋出偽託鄭晚嘗辨之審矣贛嘗從孟喜
問易其其學不出於孟喜漢書儒林傳記其
始末甚詳蓋易於象數之中別為占候一派
者實自贛始所撰有易林十六卷又易林變
占十六卷並見隋志受占久佚惟易林尚存

其書以八卦變六十四六十四卦之交共四千九十有六名繫以詞皆四言韻語考漢藝文志所載易十三家者逾十五家不及焦氏隋經籍志始著錄於五行家唐王俞始序而稱之似乎後人所附會故鄭晚古言疑其明夷之咸林似言成帝時事節之解林似言定陶傅太后事皆在延壽後顧炎武日知錄亦摘其可疑者四五條然二家所云某林似指

易林
疑義

二

某事者皆揣摩其詞炎武所指彭離濟東遷之上庸者語雖出漢書而事在武帝元鼎元年不必漢書始載又左傳雖西漢未立學官而張蒼等已久相述說延壽引用傳語亦不足致疑惟長城既立四夷賓服交和結好昭君是福四句則事在元帝竟寧元年名字炳然顯為延壽以後語然李善注文選任昉竟陵王行狀引東觀漢記曰沛獻王輔永平五

年秋京師少雨上御雲臺詔尚席取卦具自卦以周易卦林占之其辭曰蟻封穴戶大雨將集明日大雨上即以詔書問輔曰道寧有是耶輔上言曰案易卦震之震蟻封穴戶大雨將集震艮下坎上艮為山坎為水出雲為雨蟻穴居而知雨將雲雨蟻封穴故以蟻為興文云云今書震卦實震在震林則書出焦氏足為明證昭君之類或方技家輿轉附益寬亂

易林
疑義

三

原文亦未可定耳崇文總目言其推用之法不傳而黃伯思記王必占程迥記宣和紹興二占皆有奇驗則其術尚有知之者惟黃伯思謂漢書稱延壽易分六十四卦更五日用事者乃變占法非易林法薛季宣易林序則謂易林正用直日法薛伯思之說為謬並為圖劄以明之其說甚辯今錄季宣序與王俞序以存一家之言俞序本名大易通變與諸

本不同疑為後來卜筮家所改非其舊也此
書隋唐宋志俱作十六卷今本四卷不知何
時所併季宣序稱每卷四林每林六十四爻
今仍據以分卷存其舊焉乾隆四十八年六
月恭校上

總纂官 臣 紀昀 臣 陸錫熊 臣 孫士毅

總校官 臣 陸費輝

易林

四

易林原序

大凡變化象數莫逃乎易惟人之情偽最為難知筆者
尚占憂者與處贗明且哲乃留其術俞巖耕東鄙目前
困蒙客有枉駕蓬廬以焦辭數軸出示俞嘗讀班史列
傳及歷代名臣譜系諸家雜說之文盛稱自夫子授易
於商瞿僅餘十輩延壽經傳於孟喜固是同時當西漢
元成之間凌夷厥政先生或出或處輒以易道上干梁
王遂為郡察舉詔補小黃令而邑中隱伏之事皆預知
其情得以寵異蒙遷秩亦卒於官次所著大易通變其
卦總四千九十六題事本彌綸同歸簡易辭假出於經
史其意合於神明但齊潔精專舉無不中而言近意遠
易識難詳不可漬蒙以為辭費後之好事知君行者則
子雲之書為不朽矣昔聖唐會昌丙寅歲周正主白靈
越之雲溪漢王俞序

較定易林原序

承議郎行秘書省校書郎臣黃伯思所較焦延壽易林中或字誤以快為快以羊為手以喜為嘉以鷓為鷓義可兩存焦延壽者名贛梁人以好學得幸梁王王供其資用令極意學既成為郡吏舉補小黃令但有盜先知盜遂無敢舉者考最當遷吏民上書乞留詔許增秩卒于小黃世人謂延壽之法凡筮得某卦則觀其所之卦林以占吉凶或卦爻不動則但觀本卦林辭又本影有王從者於雍熙二年春遇異人筮得觀之賁林云東行無門西出華山道塞於難遊子為患之語最為有準後之觀者不可不辨延壽所著雖卜筮之書出於陰陽家流然當西漢中葉去三代未遠文辭雅淡頗有可觀覽謹錄上

焦氏易林卷一

漢焦贛撰

乾之第一

行求事無功

坤招殃來

屯陽孤亢

解此相從

蒙

需目瞶足動喜如其願舉家蒙寵

訟龍馬上山絕無水泉喉焦唇乾舌不能言

師倉盈庾億宜種黍稷年豐歲熟民人安息

比中夜犬吠盜在牆外神明祐助消散皆去

小畜据斗運樞順天無憂所行造德與樂並居

履空拳握手委地更起富饒豐衍快樂無已

人民蓄息與比之升坤之恒同

一作四

泰 不風不雨白日皎皎宜出驅馳通理大道

典坤

否 戴日晶光驂駕六龍祿命徹天封為燕王

同人 子號索哺母行求食反見空窠嘗我長息

大有 上帝之生福祐日成修德行惠樂且安寧

謙 山險雖登澗中多石車馳輶擊載重傷軸擔負差

踰蹠跌右足

豫 禹鑿龍門通利水源東注滄海民得安從

一作存

隨 乘龍上天兩蛇為輔踴躍雲中遊觀滄海民樂安

處

蠱 彭祖九子據德不殆南山松栢長受嘉福

臨 南山昊天刺政閔身疾悲無辜背憎為仇

觀 江河淮海天之與府眾利所聚可以饒有樂我君

子

噬嗑 堅冰黃鳥常哀悲愁不見甘粒但見藜蒿數鷺

驚鳥為我心憂

賁 室如懸磬既危且殆早見之士依山谷處

剝 大禹戒路蚩尤除道周匝萬里不危不殆見其所
使無所不在

復 三人為旅俱歸北海入門上堂拜謁主母飲勞我

酒

无妄 傳言相誤非于徑路鳴鼓逐狐不知跡處

大畜 三年爭妻相逐奔馳終日不食精氣勞疲

頤 純服黃裳戴上以興德義既生天下歸仁

大過 桀跖並處人民愁苦誰兵荷糧戰於齊魯

坎 黃鳥來集既嫁不答念我父兄思復邦國

離 胎生孚乳長息成就充滿帝室家國昌富

咸 三人求橘反得大栗女青以富黃金百鎰

恒 東山西岳會合俱食百家送從以成恩福

遯 眇雞無距與鵠交關翅折目盲為鳩所傷

大壯 卻大墻壞蠹衆木折狼虎為政天降罪罰高弑

望夷胡亥以斃

晉 三癡俱走迷路失道惑不知歸反入患口

明夷 弓矢俱張把彈折絃丸發不至道遇害患

家人 三女求夫不見復聞伺候山隅長思憂歎

睽 陽旱災炎傷害禾穀搗人無食耕夫歎息

蹇 騎狔逐羊不見所望徑涉虎窟亡貶失羔

解 暗昧冥語相傳誑誤鬼魅所舍誰知卧處

損 姬姜祥淑二人偶食論仁議福以安王室

益 公孫駕驪載聘東齊延陵說產遺季紆衣

夬 孤竹之墟失婦亡夫傷於疾縶不見少妻東郭棠

姜武子以亡 亡音

姤 仁政不暴鳳凰來舍四時順節民安其處

萃 任勞力薄辱驚恐怯如蜩見鷁不敢拒格

升 衛侯東遊惑於少姬亡我考妣又逝不來

困 噂噂所言莫如我垣歡喜堅固可以長安 大有之屯

井 龜鳴岐山鼃應山淵男女媾精萬物化生文王以

成為開周庭 成一作寧

萃 玄黃馳隨行者勞疲役夫憔悴踰時不歸

鼎 弱足剛跟不私出門市賈不利折亡為患

震 懸瓊素餐居非其安失與剝處休坐徒居

艮 民怯伐惡姦人所伏冠賊大至入我邦郭妻子係

獲 一本為歸林辭

漸 陽低頭陰仰首水為凶傷我寶進不利生其子

歸妹 背北相憎心意不同如火與金 一本為艮辭

豐 太微帝室黃帝所值藩屏固衛不可得入常安無

患

旅 繭栗犧牲敬享鬼神神嗜飲食受福多孫

巽 出門逢惡為患為怨更相擊刺傷我手端

兌 鷗飛中退舉事不進宋人亂潰

渙 跛踣相隨日暮牛罷陵遲後旅失利亡離 處之復則人之歸林

節 龍角博頤位至公卿世祿久長起動安寧

中孚 舜升大禹石夷之野微詣王庭拜治水土 師之小畜

同

小過 從風放火拔芝俱死三害集亡叔子中傷

既濟 擬生荆山命制翰班袍衣剝脫夏熱冬寒飢餓
枯槁衆人莫憐

未濟 長面大鼻來解已憂遺吾福子惠我嘉喜

坤之第二

坤 不風不雨白日皎皎宜出驅馳通利大道

乾 谷風布氣萬物出生明庶長養華葉茂盛

屯 蒼龍單獨與石相觸推折兩角室家不足

蒙 城上有烏自名破家招呼醜毒為國災患

需 霜降閉戶蟄虫隱處不見日月與死為伍小畜之解

訟 天之德室溫仁受福衣裳所在凶惡不起

師 皇陸九重絕不可登謂天益高未見王公

比 孔德如玉出于幽谷飛上喬木鼓其羽翼輝光照

國

小畜 五輓四軌復得饒有陳力就列駒虞悅喜四足

無角君子所服南征述職以惠我國

履 敬苟在梁魴逸不禁漁父勞苦連室乾口

泰 雷行相逐無有攸息戰于平陸為夷所覆
否 六龍爭極服在不飾謹慎管鑰結禁無出

同人 長男少女相向共語析薪在尅福祿歡喜

大有 遷延惡人使德不通炎火為殃禾稼大傷

謙 修其翰翼隨風向北至虞夏國與舜相得年歲大

樂邑無盜賊

豫 鉞刀攻玉堅不可得盡我筋力肌肭為疾比之過

隨 舉袂覆目不見日月衣裳簞簋就長夜室泰之隨同

蠱 賊人傷德大怒不福新刈宗社失其邦國

臨 白龍赤虎戰鬪俱怒蚩尤敗走死於魚口

觀 北辰紫宮衣冠立中含和建德常受天福需之解

同俱

噬嗑 稷為堯使西見王母拜請百福賜我嘉子

賁 二人異趣反覆迷惑一身五心亂無所得

剝 南山大覆盜我媚妾怯不敢逐退而獨宿

復 衆尤所逐反作光怪九身無頭魂驚魄去不可以

居

无妄 延頸遠望昧為目病不見叔姬使伯心憂

大畜 典冊法書絨在蘭臺雖遭亂潰獨不過災

大有之義

頤 自衛反魯時不可與冰炭異室仁道隔塞

大過 瘡癰禿疥為身瘡害疾病癰殘常不屬遠

坎 東齊郭廬嫁於洛都俊良美好媒利過倍

離 齊魯爭言戰於龍門構怨連禍三世不安

比之益

咸 膏澤肥壤農人豐畝利居長安歷世無患

乾之升

恒 倉盈庾億宜種黍稷年豐歲熟民得安息

遯 鷗鷗破斧邦人危殆賴旦忠德轉禍為福傾危復

立

大壯 歲飢無年虐政害民乾溪驪山秦楚結冤

晉 捫潔累累締結難解媼母銜嫁媒不得坐自為身

禍

明夷 菅輒開門鶴鳴彈冠章甫進用舞韶和鸞三人

異事國無災患

家人 姊妹本居與類相扶願慕羣醜不離其友

睽 邯鄲反言父兄生患涉此憂恨卒死不還

蹇 二人逐兔各爭其得受妄善走多獲其子

解 北辰紫宮衣冠立中含和建德常受天福

坤之觀

損 拜跪請免不得其哺俛首銜枚低頭北去

益 鷁盜我珠逃於東隅求我郭墟不見所居

夬 一簣兩舌妄言謀訣三姦成虎曾母投杼

姤 伯虎仲熊德義詢美使布五叔陰陽順序

一作姤

其與為旅身自勞苦

萃 蓑衣涉河澗流浚多賴遇舟子濟脫無它

升 憑河登山道路阻難求事少便

困 兔置之容不失其恭和謙致樂君子攸同

井 三女求夫伺候山隅不見復開泣涕漣如

革 螟蟲為賊害我五穀羣翁空虛家無所食

需之明夷

鼎 望尚阿衡太宰周公藩屏輔弼福祿來同

震 三年生狗以戍其母荆夷上侵姬伯出走

否之姤

良 塗回道塞求事不得

漸 探懷得蚤所愿失道一本下有無好
山憂善居漸好

歸妹 飛蛾遇道趾多擾垣居之不安覆厭為患

豐 義不勝情以欲自傾幾危利寵折角摧頸

旅 澶潞蔚蒼扶首來會津液下降流潦滂霈

巽 白駒生芻倚倚盛姝赫咥君子樂以忘憂

兌 車馳人趨卷甲相仇齊魯冠戰敗於犬丘

渙 舉首望城不見子貢使我悔生

節 龍關時門失理傷賢內畔生賊則生禍難

中孚 安如泰山祿祐屢臻雖有豹虎不敢危身

小過 初憂後喜與福為市八佾列陳飲御嘉友公之
坎

既濟 持刀操肉對酒不食夫行從軍少子入獄抱膝

獨宿

未濟 陰衰老極陽建其德履離戴光天下照明功業

不長蝦蟆大王否之元亨
大有之臨

屯之第三

易林

屯 兵征大宛北出玉關與胡寇戰平城道西七日絕

獲身幾不全

乾 汎汎柏舟流行不休耿耿寤寐心懷大憂仁不逢

時復隱窮居

坤 採薪得麟大命隕顛豪雄爭名天下四分險之
未濟

蒙 山崩谷絕大福盡竭涇渭失紀王歷盡已

需 夏臺夏里文王所厄鬼侯輸賄商王解合

訟 泥津汙辱棄捐溝瀆所共笑哭終不顯錄

師 李梅冬實國多盜賊擾亂並作君不得息同人之損
比之小過

比 獐鹿逐牧飽歸其居反還次舍無有疾故比之
小畜

小畜 夾河為婚期至無船淫心失望不見所欲

履 百足俱行相輔為強三聖翼事王室寵光比之
元安

泰 坐位失處不能自居調攝違和陰陽顛倒

否 登几上與駕駟南遊合從散橫燕秦以強

同人 三系維弩無益於輔城弱不守郭君受討

大有 河伯大呼津不得渡船空無人往來亦難

謙 甘露醴泉太平機關仁德感應歲樂民安

大過之未濟

豫 重茵厚席循高採菴雖躓不懼後反其處

一云城墮高木

輝趾于尼保哉金玉運歸其室

隨 太乙駕駟從天上來徵我叔季封為魯侯無有凶

憂

蠱 南已大安石斛戟天所指不已已老復一將釐乃

嫁墟弊室舊更為新家

臨 家給人足頌聲並作四夷賓服于戈蹈閣

觀 東隣嫁女為王妃后莊公築館以尊主母歸于京

師 季姜悅喜

一作臨卦泰之族

噬嗑 陳媯敬仲兆興齊姜營丘是適八世大昌

姤之師比

之損益之困

賁 路多枳棘步刺我足不利旅客為心作毒

損卦同

剝 天官列宿五神室屋空門完堅君安其居

復 牧羊稻園聞虎呻懼畏惕息終免禍患

否之節

无妄 鳴條之災北奔大胡左袵為長國號匈奴主君

旄頭立尊單于

大畜 尅身潔已逢禹巡狩錫我玄珪拜受錫佑

頤 冬華不實國多盜賊疾病難醫思哭其室

大過 裏送季女至于蕩道齊子旦夕留連久處

坎 朽根倒樹花葉落去卒逢火焱隨風偃仆

離 陰變為陽女化作男治道得通君臣相承

咸 炎絕續光光滅復明簡易理得仍成乾功

恒 多載重負捐棄于野王母誰子但自勞苦

遯 江河海澤眾利安宅可以富有飲御嘉客

大壯 冬採薇蘭地凍堅難利走東北暮無所得

晉 烏鵲嘻嘻天火將起燔我室屋災及妃后

明夷 蠶室蜂戶螫我手足不可進取為身害咎

履之泰

家人 崔嵬北嶽天神貴客溫仁正直主布恩德開示

不已蒙受大福

睽 伯蹇叔盲莫與守牧失我衣裘代已除服

蹇 為季其母家在東海水長無船不見欣歡

解 山陵丘墓魂魄失舍精神盡竭長寢不覺

損 踰牛失角下山傷軸失其利祿過在誰孰

益 水載船舟無根以浮往來溶溶心勞且憂

夾 有鳥來飛集于古樹鳴聲可惡主將出去

妬 東徙不時觸患離憂并泥無濡思叔舊居

萃 黃帝所生伏羲之宇兵刃不至利以居止

履之家人

升 東山拯亂處婦思夫勞我君子役使休止

困 跛躓未起失利後市不得鹿子

井 大蛇當路使我畏懼湯火之災切近我膚賴其天

幸趨於主廬

損之比

革 從容長閒遊戲南山拜祠祀神神使免患

一作實卦

鼎 區脫康居慕仁入朝湛露之歡三爵畢恩復歸野

廬與母相候

震 龜鼈列市河海饒有長財善賈商季悅喜

一作單卦

艮 年常蒙慶今歲受福三伏採芑出君有得

漸 二人俱東道路爭訟意乖不同使我凶凶

歸妹 樹哉黃且為鹿兔食君不慎謹我無收入

豐 黃鳥悲鳴愁不見星困於鸛鵲使我心驚

旅 雙鳧俱飛欲歸稻池經涉崔澤為矢所射傷我胸

臆

晉之

巽 久客無休思歸故鄉霖雨盛溢道未得通

兌 道路解除南至東遶衛子善辭使國無憂

渙 同枕共袍中年分去價少無利獨居愁思

節 眾神集聚相與議語南國虐亂百姓愁苦與師征

討更立賢主

小畜之損

中孚 北陸閉墊隱伏不出目盲耳聾道路不通

小過 痴狂妄作心誑善惑迷行失路不知南北

既濟 棟隆輔強寵貴日光福善並作樂以高明

未濟 受我嬰女牽衣不與冀幸高貴反曰賤下

蒙之第四

蒙 何草不黃至未盡玄室家分離悲愁於心

乾 海為水王聰聖且明百流歸德無有畔逆常饒優

足損之

坤 天之所佑禍不過家左輔右弼金玉滿匱常盈不

亡富如厥倉

屯 安息康居異國穹廬非吾習俗使我心憂

需 范公陶夷善賈師資東之營丘易字子皮把珠載

金多福利歸

訟 老楊日衰條多枯枝時級不造遂乃摧墮泰之成

師 小狐渡水汙濡其尾稍得其幾與道合符

比 豕生如魴鼠舞庭堂雄倭施姜上下昏黃君失其

邦

小畜 天地配享六位光明陰陽順序以成厥功松之實也

履 蹀躞足傷右指病癰失旅後時利不走歸

泰 思體同恩各有所屬西隣孤嫗欲寄我室主母罵

詈求子不得

否 操鉅鄉畝祈貸稷黍飲食充中安和无咎

同人 新受大寵福祿重來樂且日富榮茂得財

大有 舉盃飲酒指宜失取無益溫寒亡利不懼

謙 日月相望光明盛昌三聖茂承功德大隆師之節否之貞

噬嗑

豫 猾夫爭強民去其鄉公孫叔子戰於城南

隨 復墜高木不踐手足保我全生還歸其室否之險

噬之

蠱 逐狐東山水過我前深不可涉失利後便

臨 鑿井求玉非卞氏寶名困身辱勞無所得

觀 黃玉溫梅君子所服甘露得暑萬物生茂

噬嗑 畫龍頭頸文章不成甘言美語說辭無名

賁 招禍致凶來弊我邦病在手足不得安息

剝 履位東勢靡有絕斃贅為隸圖與眾庶伍

復 倬鹿雉免羣聚東園盧黃白脊俱往追逐九辭十

得君子有喜

无妄 織金未成緯盡無名長子逐兔鹿失先路見利

不得

大畜 大厥周德命與仁國以禮靖民兵革休息

頤 重譯買芝來除我憂善說遂良與喜相求

大過 膏澤肥壤人民安樂宜利俱止長安富有

坎 白龍黑虎起伏暴怒戰於阪泉蚩尤敗走居止不

殆君安其所

同人之比

離 抱關傳言聲跛摧筋破賊無灾不安其所

咸 憂禍解除喜至慶來坐立歡門與樂為隣

小畜之井

恒 折鋒載父與馬放休待軍喪營天下安寧

遯 至德之君仁政且溫伊呂股肱國富長安

大壯 千里望城不見青山老兔蝦蟆遠絕無家

晉 有莘季女為夏妃后貴夫壽子母于四海

明夷 不虞之患禍至無門奄忽暴卒痛傷我心

家人 飛鷹退去不食雄雞憂患心解君主安居

睽 踉蹌側跌中酉為崇成亥滅明顛子隱藏

蹇 司隸憑怒謀議無道商民失政殷人乏祀

解 望雞得雛求馬獲駒大德生少有廖從居

損 切切恒恒如將不活黍稷之恩靈輒以存獲生保年

益 莫莫輯輯夜作晝匿謀議我資來攻我室空盡我

財幾無我食

夬 天之所壞不可强支眾口遺笑雖貴必危

姤 目動頻睨喜來加身舉家蒙歡吉利無殃

萃 窈窕芬香染指拂裳口飢打手公子恨讒

升 天福所鄧兆知飛龍成子得志六二已興

困 氓伯以婚抱布自媒棄禮急情卒罹悔憂

井 夏如親附心聽悅喜利以博取無言不許

革 南山旻天刺政閔身疾悲無辜背憎為仇

一作昆卦

鼎 三人為旅俱歸北海入門上堂拜謁王母勞賜我

酒

震 陽淫旱病傷害稼穡喪刈病來農人無食

一作井卦

艮 搜飯把肉以就口食所往必得無有虛乏

一作革卦

漸 鳥飛無翼兔走折足雖欲會同未得已惑